



N° 8378  
Entrée le 10.10.2023  
Chambre des Députés  
Déclarée recevable  
Président de la Chambre des Députés  
(s.) Fernand Etgen  
Luxembourg, le 11.10.2023

Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 10/10/2023

Här President,

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Öffentlechen Déngscht & Interieur weiderzeleeden.**

Fir dierfen am Gemengesecteur ze schaffen, muss een als éischt d'Epreuve d'aptitude générale paken an duerno den Examen d'admissibilité. Fir dës Sessioun waren d'Examen d'admissibilité fir d'Leit am Grupp B1, C1 an D1 awer virun deene fir d'Epreuve générale. Wat bedeit, dass dës Leit nëmmen den 1ten Exame kënnen maachen, an dann een halleft Joer musse waarden fir den 2ten Deel. Dës kascht net nëmmen d'Leit Zäit, mee suergt och dofir, dass d'Gemenge Posten eréischt méi spët kënnen mat dëse Kandidaten besetzen.

An deem Zesammenhang wéilt ech de Ministeren dës Fro stellen:

1. Firwat goufen dës Delaien esou festgehalten?
2. Firwat betreffen dës ënnerschiddlech Delaien nëmmen een Deel vun de Gruppen?
3. Wäert an Zukunft drop gekuckt ginn, dass ee béid Examen op allen Niveaue kann an enger Sessioun maachen? Wann nee, firwat net?

Mat déiwem Respekt,

GOERGEN Marc  
Deputéierten

